

ՀԿՊ ԿՆՆՏԿՈՄԻ

ՊՐՈՊԱԳԱՆԴԱՅԻ ԵՎ

ԱԳԻՏԱՅԻՆԱՅԻ ԲԱԺԻՆ

Ագրարային ԲՈՒԿՆՈՏ

№ 7

Ա Պ Ր Ի Լ

1959

ОБЯЗАТЕЛЬНЫЙ
ЭКЗЕМПЛЯР

ՍՄԿՊ Կենտկոմում

Ստալինյան մարզի աշխատավորության մեջ տար-
վող մասսայական-քաղաքական աշխատանքի մա-
սին 1

Նյութեր զրույցների համար

Ա. Սարգսյան — Փայլուն հաղթանակ 41


Խմբագրության հասցեն — Երևան, ՀԿՊ Կենտկոմ,
17 հարկ, 60-րդ սենյակ, հեռախոս՝ 2—52—78

ՍՄԿՊ ԿԵՆՏԿՈՄՈՒՄ

**ՍՏԱԼԻՆՅԱՆ ՄԱՐԶԻ ԱՇԽԱՏԱՎՈՐՈՒԹՅԱՆ
ՄԵՋ ՏԱՐՎՈՂ ՄԱՍՍԱՅԱԿԱՆ-ՔԱՂԱՔԱԿԱՆ
ԱՇԽԱՏԱՆՔԻ ՎԻՃԱԿԻ ԵՎ ԲԱՐԵԼԱՎՄԱՆ
ՄԻՋՈՑԱՌՈՒՄՆԵՐԻ ՄԱՍԻՆ**

ՍՄԿՊ Կենտկոմը որոշում է ընդունել
«Ստալինյան մարզի աշխատավորության
մեջ տարվող մասսայական-քաղաքական
աշխատանքի վիճակի և բարելավման մի-
ջոցառումների մասին»:

Սովետական Միության Կոմունիստական
պարտիայի XXI համագումարը, նշվում է
այս որոշման մեջ, հաստատեց կոմունիս-
տական շինարարության հոյակապ ծրագիրը
մեր երկրում: Ներկա պայմաններում, երբ
Սովետական Միությունը թևակոխել է իր
պատմական զարգացման նոր շրջանը, պար-
տիական կազմակերպությունները պետք է
վճռականորեն բարձրացնեն գաղափարա-
կան-քաղաքական և կազմակերպչական աշ-
խատանքի մակարդակը, համակողմանի և
լայնորեն օգտագործեն մասսաների կոմու-
նիստական դաստիարակության բոլոր բազ-
մազան ձևերն ու միջոցները, մոբիլիզացնեն
սովետական ժողովրդի ստեղծագործ ուժերը՝



յոթնամյա պլանը կատարելու և գերակատարելու համար:

Հսելով և քննարկելով «Ստալինյան մարզի աշխատավորության մեջ տարվող մասսայական-քաղաքական աշխատանքի վիճակի և բարելավման միջոցառումների մասին» Ուկրաինայի Կոմունիստական պարտիայի Ստալինյան մարզկոմի և ՍՄԿՊ Կենտկոմի Պրոպագանդայի և ագիտացիայի բաժնի ղեկուցումները, ՍՄԿՊ Կենտկոմը նշեց, որ Ստալինյան մարզային պարտիական կազմակերպությունը վերջին տարիների ընթացքում աշխատավորության մեջ ծավալված մեծ կազմակերպչական, մասսայական-քաղաքական աշխատանքի շնորհիվ լուրջ հաջողություններ է ձեռք բերել տնտեսական և կուլտուրական շինարարության բնագավառում:

Սոցիալիստական դեմոկրատիայի հետագա զարգացման, ժողովրդական տնտեսության ղեկավարման վերակառուցման, պլանավորման, պետական և հասարակական կազմակերպությունների աշխատանքի ոճի և մեթոդների բարելավման ուղղությամբ պարտիայի կողմից վերջին տարիների ընթացքում իրականացված կարևորագույն միջոցառումները նպաստեցին ժողովրդական

— 2 —

տնտեսության բոլոր բնագավառների նոր հզոր վերելքին, աշխատավորների նյութական բարեկեցության բարձրացմանը, մասսաների նախաձեռնության և ակտիվության ստեղծագործական աճին: Մարզի պարտիական կազմակերպությունները, որոնց մարտունակությունը զգալիորեն բարձրացել է, սկսեցին ավելի լայնորեն կիրառել կազմակերպչական և գաղափարական-դաստիարակչական աշխատանքի բազմաթիվ միջոցներ՝ տնտեսական և կուլտուրական շինարարության խնդիրները հաջողությամբ լուծելու նպատակով:

Ներկայումս մարզում, ինչպես և ամբողջ երկրում, նոր ուժով է ծավալվել սոցիալիստական մրցությունը՝ յոթնամյա պլանի առաջին տարվա առաջադրանքները կատարելու և գերակատարելու համար: Ն. Մամայի, Ա. Կուլչիկի և արտադրության այլ նորարարների մեթոդով կոնկրետ ուղիներ են գտնում արտադրանքի թողարկումը ավելացնելու, ինքնարժեքը իջեցնելու, որակը բարձրացնելու համար: Լայն շափեր է ստացել կոմունիստական աշխատանքի բրիգադաների շարժումը, ինչպես նաև ծնվում են սոցիալիստական մրցության շատ ուրիշ նոր ձևեր: Մարզի պարտիական կազմակերպություն-

— 3 —

ները բարձրացրել են քաղաքական ագիտացիայի մակարդակը: XXI համագումարի կապակցությամբ հատկապես աշխուժացել է ագիտացիոն-մասսայական աշխատանքը, նա դարձել է ավելի հրատապ, կոնկրետ, կոմունիստական շինարարության պրակտիկայի կարևորագույն հարցերին համապատասխանող: Մասսայական-քաղաքական աշխատանքում մասնակցում են շատ պարտիական, սովետական, արհմիութենական և տնտեսական ղեկավարներ, ինչպես նաև արտադրության առաջավոր մարդիկ, ինժեներներ և տեխնիկներ, գյուղատնտեսության մասնագետներ: Պարտիայի մի շարք քաղկոմներ և շրջկոմներ սիստեմատիկ կերպով ընդհանրացնում և քննարկում են բանվորների ու կոլտնտեսականների առաջարկությունները, քննադատական դիտողությունները և դրանց վերաբերյալ ընդունում անհրաժեշտ միջոցառումներ:

Շատ ձեռնարկություններում, կառույցներում, կոլտնտեսություններում և սովխոզներում պարտիական կազմակերպությունները բանվորների և կոլտնտեսականների աշխատանքային ակտիվությունը բարձրացնելու, արտադրության արմատական հարցերի լուծման մեջ նրանց ներգրավելու նպատակով

— 4 —

հմտորեն գործադրում են աշխատանքի բազմապիսի ձևեր և մեթոդներ. աշխատանքի կազմակերպումը, բանվորական տեղերի վիճակը, տեխնիկայի օգտագործումը ստուգող մասսայական-հատարակական ստուգատեսներ և ռեյդեր, մշտապես գործող արտադրական խորհրդակցություններ, տնտեսական և արտադրական-տեխնիկական կոնֆերանսներ, առաջավոր բրիգադանների օրեր, սոցիալիստական պարտավորությունների կատարման փոխադարձ ստուգումներ: Մեծ աշխատանք է կատարվում արդյունաբերական և գյուղատնտեսական արտադրության նորարարների փորձը ընդհանրացնելու և արմատավորելու գծով:

Երիտասարդությանը բանվոր դասակարգի ռևոլյուցիոն և աշխատանքային տրագիցիաներով դաստիարակելու գործում կարևոր դեր են խաղում ձեռնարկություններում, կոլտնտեսություններում, հիմնարկներում և ուսումնական հաստատություններում կազմակերպվող հանդիպումները Հոկտեմբերյան ռևոլյուցիայի, քաղաքացիական և Հայրենական Մեծ պատերազմների վետերանների, արտադրության անվանի մարդկանց հետ: Բանվորների և կոլտնտեսականների շրջանում ժողովրդականություն են վայելում բա-

— 5 —

նավոր և ձայնալույսային ժուռնալները, կինոթերթերը, երգիծական թերթիկները, «հանքափորի հեռուստատեսի» հատուկ ծրագրերը, կուլտուրայի երեկոյան համալսարանները և մասսայական-քաղաքական աշխատանքի շատ այլ ձևերը:

Այդ բոլորը զգալիորեն հարստացնում է քաղաքական ագիտացիայի բովանդակությունը, բարձրացնում աշխատավորության հետաքրքրությունը պարտիական կազմակերպությունների կողմից անցկացվող միջոցառումների նկատմամբ, դրականապես է ազդում մարզի ժողովրդա-տնտեսական պլանների կատարման վրա:

Միևնույն ժամանակ ՍՄԿՊ Կենտկոմը նշում է, որ Ստալինյան մարզային պարտկազմակերպությունում դեռևս գոյություն ունեն լուրջ թերություններ մասսայական-քաղաքական աշխատանքի դրվածքի մեջ: Արդյունաբերության, գյուղատնտեսության և կուլտուրական շինարարության բնագավառում հաջողությունները կարող էին զգալիորեն ավելի շատ լինել, եթե բոլոր պարտիական կազմակերպությունները ամենօրյա քաղաքական խոր աշխատանք տանեին մասսաների մեջ: Շատ պարտկազմակերպություններ չեն կենսագործում մշտական վե-

— 6 —

րահսկողությունը քաղաքական ագիտացիայի բովանդակության նկատմամբ, քիչ են հոգ տանում դրա գործունեության և օպերատիվության մասին: Պարտիայի մարզկոմը պատշաճ հաստատակամություն չի ցուցաբերում աշխատավորների կոմունիստական դաստիարակության ձևերի և մեթոդների ամբողջ բազմապիսությունը օգտագործելու համար, ձեռք չի առնում անհրաժեշտ միջոցառումներ մարզի մի շարք պարտիական կազմակերպություններում կուտակված արժեքավոր փորձը լայնորեն տարածելու համար:

Երկրի կյանքում կատարվող կարևորագույն իրադարձությունները, միջազգային դրության հարցերը, պարտիայի և կառավարության որոշումները միշտ չէ, որ ժամանակին, հասկանալի և համոզեցուցիչ կերպով են բացատրվում բանվորներին ու կուտնտեսականներին: Զեկուցումներում ու զրույցներում անբավարար են օգտագործվում ցայտուն, կենսական փաստերն ու օրինակները, որոնք օգնում են ունկնդիրներին ավելի խոր յուրացնելու պարտիայի քաղաքականությունը: Ագիտացիան հաճախ կրում է դեկլարատիվ, մակերեսային և ձևական բնույթ, չի կապակցվում տվյալ ձեռնարկության կամ կուտնտեսության կոնկրետ խնդիրների հետ, չի ուղղվում աշխատանքի

— 7 —

դժվարությունները հաղթահարելուն, աշխատանքային կարգապահությունը ամրապնդելուն, այդ պատճառով էլ հաճախ ազդեցություն չի գործում արտադրական խնդիրների լուծման վրա:

Դեռևս թույլ է տարվում մասսայական-քաղաքական աշխատանքը գիշերային հերթափոխություններում, քաղաքամերձ և հեռավոր բնակավայրերում ապրող աշխատավորների շրջանում: Ըստ բնակավայրի, հանրակացարաններում տարվող քաղաքական ագիտացիան կազմակերպվում է ոչ կանոնավոր, կամպանիայի ձևով, շատ ագիտիկներ չեն աշխատում: Որոշ ղեկավարներ թույլ են կապված ձեռնարկությունների կոլեկտիվների՝ բանվորների, ծառայողների և տեխնիկական ինտելիգենցիայի հետ և աշխատավորության շրջանում ամենօրյա մասսայական-քաղաքական աշխատանք չեն տանում:

Ագիտացիոն աշխատանքում անբավարար է հաշվի առնվում լենինյան դրույթը այն մասին, թե յուրաքանչյուր ագիտատորի վարպետությունը պետք է կայանա լսարանի հետ կապ հաստատելու, լավագույն կերպով նրավրա ազդելու մեջ, յուրաքանչյուր կոնկրետ դեպքում նպատակ դնելու և այդ նպատակը

— 8 —

կենսագործելու հմտության մեջ: Դեռևս միշտ չէ, որ ագիտացիոն-մասսայական աշխատանքում հասնում են կոնկրետության և նպատակասլացության:

Շատ պարտիական կազմակերպություններ, ագիտատորներ, դասախոսներ, ղեկուցողներ թույլ են պայքարում տեղայնության, գոփոդության, համապետական շահերը արհամարհելու դրսևորումների դեմ, համապատասխան հասարակական կարծիք չեն ստեղծում այն անձանց շուրջը, որոնք խախտում են աշխատանքային և արտադրական կարգապահությունը, սոցիալիստական համակեցության կանոնները: Շատ ղեկավարում նրանք անցնում են ժողովրդական սեփականության հափշտակման, հարրեցողության, գործալքության փաստերի կողքով, միշտ չէ, որ ժամանակին և խիստ վերաբերմունք են ցույց տալիս բուրժուական գաղափարախոսության դրսևորումների, տարրեր ասեկոսների, դրսևարտիչ հերյուրանքների նկատմամբ, որ տարածում են թշնամական և քաղքենիական տարրերը:

Որոշ գյուղական պարտիական կազմակերպություններ մասսայական-քաղաքական աշխատանքում հարկավոր ուշադրություն չեն կենտրոնացնում կոլտնտեսային կարգի

հետագա զարգացման արժատական խնդիրների լուծման վրա, այն է՝ գյուղատնտեսական կուլտուրաների բերքատվության բարձրացումը, հանրային անասնապահության ըստ ամենայնի զարգացումը և նրա մթերատվության բարձրացումը, արտադրանքի մեկ միավորին ընկնող աշխատանքի ծախսերի իջեցումը, հողագործության կուլտուրայի բարձրացումը, տեխնիկայի ռացիոնալ օգտագործումը, կոլտնտեսությունների անբաժանելի ֆոնդերի ավելացումը, միջկոլտնտեսային ձեռնարկությունների կառուցումը, առաջավոր փորձի ուսումնասիրումը և տարածումը: Մի շարք կոլտնտեսություններում հազվադեպ են անցկացնում դասախոսություններ ու զեկուցումներ, չկա ռադիո, վատ է դրված բնակչության կենսասպասարկման գործը, թույլ են աշխատում գեղարվեստական ինքնագործունեության խմբակները: Թերթերն ու ժուռնալները շատ կոլտնտեսությունների, բրիգադաների և ֆերմաների մեծ տւշացումով են հասցնում:

Քաղաքական-մասսայական աշխատանքների լուրջ թերությունների գլխավոր պատճառներից մեկն այն է, որ շատ պարտիական կազմակերպություններում անբավարար հիմքերի վրա է դրված ագիտատորների

— 10 —

ընտրության, դասավորման և դաստիարակության գործը, բացակայում է մշտական վերահսկողությունը ագիտատորների, դասախոսների, զեկուցողների գործունեության նկատմամբ, նրանց աշխատանքներին սիստեմատիկ օգնություն ցույց չեն տալիս:

ՍՄԿՊ Կենտկոմը պարտիայի Ստալինյան մարզկոմին առաջարկել է ձեռք առնել միջոցներ՝ մարզային պարտիական կազմակերպությունում մասսայական-քաղաքական աշխատանքի կուտակված դրական փորձը ամրապնդելու և լայնորեն տարածելու, փնչպես նաև սույն որոշման մեջ նշված լուրջ թերությունները վերացնելու համար:

ՍՄԿՊ Կենտկոմը բոլոր պարտիական և կոմերիտական կազմակերպությունների առաջնակարգ խնդիրն է համարում պարտիայի XXI համագումարին ՍՍՌՄ ժողովրդական տնտեսության զարգացման 1959—1965 թվականների կոնտրոլ թվերի մասին Ն. Ս. Խրուշչովի զեկուցման, ՍՄԿՊ XXI պատմական արտահերթ համագումարի որոշումների խոր ուսումնասիրությունն ու պարզաբանումը, մասսաների մեջ բազմակողմանի պարտիական-քաղաքական աշխատանք ծավալելը՝ ժողովրդի բոլոր ուժերը մոբիլիզացնելու ուղղությամբ այդ որոշումները կենսա-

— 11 —

գործելու, ՍՍՌՄ ժողովրդական տնտեսութ-
յան զարգացման յոթնամյա պլանի առա-
ջադրանքները կատարելու և գերակատարե-
լու համար:

Այդ նպատակով լայնորեն օգտագործել
մասսայական-քաղաքական աշխատանքի
բոլոր ձևերը՝ աշխատավորների ժողովների,
գրույցների, գեկուցումների, դասախոսու-
թյունների կազմակերպումը, մամուլը, կի-
նոն, ռադիոն, հեռուստատեսությունը և
կուլտուր-լուսավորական հիմնարկություննե-
րը:

ՍՄԿՊ Կենտկոմը թերթերի և ժուռնալների
խմբագիրներին, հրատարակչությունների ղի-
րեկտորներին պարտավորեցրել է ապահովել
ՍՄԿՊ XXI համագումարի որոշումների և
փաստաթղթերի խոր լուսաբանումը, ընդ-
հանրացնել համագումարի նյութերի պրո-
պագանդայի դրական փորձը, հրատարակել
հոդվածներ և նյութեր, հրատարակել գրքեր,
հանրամատչելի բրոշյուրներ, դիտողական
ձեռնարկներ՝ նվիրված յոթնամյա պլանի
հիմնական տեսական պրոբլեմներին և գործ-
նական խնդիրներին, ենթարկելով այդ ամ-
բողջ աշխատանքը այն բանին, որ օգնու-
թյուն հասցվի պարտիական կազմակերպու-
թյուններին՝ աշխատավորությանը մոբիլի-

— 12 —

զացնելու համար պարտիայի XXI համագու-
մարի որոշումները կենսագործելու նպատա-
կով:

ՍՍՌՄ Կուլտուրայի մինիստրությանն ա-
ռաջարկված է ապահովել ՍՄԿՊ XXI համա-
գումարի որոշումների պրոպագանդմանն ու
կենսագործմանը նվիրված գիտա-հանրա-
մատչելի կինոֆիլմերի և կինոխրոնիկային
ժուռնալների թողարկումը:

ՍՄԿՊ Կենտկոմը ՍՍՌՄ Մինիստրների
Սովետին կից ռադիոհաղորդումների և հե-
ռուստատեսության Պետական Կոմիտեին
պարտավորեցրել է՝

կենտրոնում և տեղերում ռադիոյի միջո-
ցով կազմակերպել դասախոսությունների և
գրույցների ցիկլեր ՍՄԿՊ XXI համագումա-
րի նյութերը, համագումարի կողմից դրված
տեսական պրոբլեմները և պրակտիկ խնդիր-
ները լուսաբանելու համար, որպես հեղի-
նակներ ներգրավել լավագույն ագիտատոր-
ներին և պրոպագանդիստներին, գիտնա-
կաններին, պարտիական և սովետական աշ-
խատողներին, ժուռնալիստներին, արվեստի
գործիչներին:

Կենտրոնական ռադիոհաղորդման մեջ կա-
նոնավոր հաղորդումներ մտցնել ռեսպուբ-
լիկաներից, երկրամասերից և մարզերից՝

— 13 —

նվիրված նրանց կյանքի և յոթնամյա պլանով նախատեսված զարգացման հեռանկարների ցուցադրմանը.

հեռուստատեսության գծով ապահովել հատուկ ծրագրերի, հեռուստատեսային ֆիլմերի և այլ հաղորդումների սինտեմատիկ տրանսլյացիան, որոնք ակնառու և համազիշ կերպով ցույց տան ՍՄԿՊ XXI համագումարի որոշումների կենսագործման գործում սովետական ժողովրդի կոնկրետ հաջողությունները և հոյակապ հեռանկարները:

Քաղաքական և գիտական գիտելիքների տարածման Համամիութենական ընկերության Վարչությանը և նրա տեղական բաժանմունքներին առաջարկված է՝ անհրաժեշտ միջոցներ ձեռք առնել ուժեղացնելու ընկերության բոլոր անդամների աշխատանքը ՍՄԿՊ XXI համագումարի կողմից պարտիսյի և ժողովրդի առջև դրված թեորիական հարցերի ու պրակտիկ խնդիրների պարզաբանման ուղղությամբ:

ՍՄԿՊ Կենտկոմը հիշեցրել է պարտիական կազմակերպություններին, որ ՍՄԿՊ XXI համագումարի պատմական որոշումների պարզաբանումը կարճատև կամպանիա չէ, այլ երկարատև ժամանակաշրջանի հիմնական խնդիր: Այդ խնդրի կենսագործմանը

— 14 —

պետք է մասնակցեն բոլոր կոմունիստները և ամենից առաջ պարտիական ակտիվը:

ՍՄԿՊ Կենտկոմը պարտիական կազմակերպությունների ուղադրությունը հրավիրել է այն բանի վրա, որ ներս ապայմաններում, երբ մեր երկիրը թևակոխել է իր զարգացման նոր կարևորագույն ժամանակաշրջանը՝ կոմունիստական հասարակարգի ծավալուն կառուցման ժամանակաշրջանը, աշխատավորների կոմունիստական դաստիարակության, մասսայական-քաղաքական աշխատանքի հարցերը ձեռք են բերում առաջնակարգ նշանակություն, դառնում են պարտիական, սովետական, կոմերիտական, արհմիութենական և մյուս հասարակական կազմակերպությունների գործունեության կենտրոնական հարցերը:

Կոմունիզմի կառուցումը օրգանապես կապված է բոլոր քաղաքացիների գիտակցության անընդհատ բարձրացման, աշխատավորներին, առանձնապես երիտասարդությանը, կոմունիստական բարոյականության, աշխատանքի, հասարակության հանդեպ իրենց պարտականությունների նկատմամբ ճիշտ վերաբերմունքի ոգով դաստիարակելու հետ:

— 15 —

Մասսայական-քաղաքական աշխատանքի հիմնական խնդիրն է՝ խորապես պարզաբանել սովետական ժողովրդի մեծ հաղթանակների նշանակությունը, որոնք նշանավորում են պարտիայի լենինյան գծի հաղթանակը, բացահայտել կոմունիստական շինարարության փայլուն հեռանկարները, աշխատավորությանը ոգեշնչել ՍՄԿՊ XXI համագումարի պատմական որոշումները կատարելու համար։ Գաղափարական-դաստիարակչական, մասսայական-քաղաքական ամբողջ աշխատանքը պետք է կրի կոնկրետ, նպատակասլաց բնույթ, նպաստի սովետական ժողովրդի ջանքերի մոբիլիզացմանը, բազմապատկմանը՝ ՍՍՌՄ ժողովրդական տնտեսության զարգացման յոթնամյա պլանի առաջադրանքների կենսագործման, 1959 թվականի՝ յոթնամյակի առաջին տարվա պլանի կատարման և գերակատարման համար։

Պարտիական կազմակերպությունները, պրոպագանդիստներն ու ագիտատորները պետք է պարզ և մատչելի ձևով աշխատավորներին բացատրեն, թե ինչ է կոմունիզմը, ինչպիսի մեծ բարիքներ է բերում նա ժողովրդին, ակտիվ կերպով պաշտպանեն և ամեն կերպ զարգացնեն կոմունիզմի ծիլերը։

— 16 —

Անհրաժեշտ է, որպեսզի սովետական մարդիկ խորապես պարզեն իրենց համար, որ կոմունիստական իդեալները կարող են կենսագործվել միայն հասարակության նյութական ու հոգևոր բարիքների առատության պայմաններում, իսկ այդ պայմաններն ստեղծելու համար առաջնակարգ նշանակություն ունի մետաղի, մեքենաների արտադրությունը, նավթի, քարածխի հանույթը, էլեկտրաէներգիայի արտադրությունը, հացահատիկի, մսի, յուղի հագուստեղենի, կոշիկեղենի արտադրությունը, բնակարանների շինարարությունը։

Պրոպագանդիստների ու ագիտատորների կարևորագույն պարտավորությունն է յուրաքանչյուր աշխատավորի գիտակցությանը հասցնել, որ մեկ շնչին ընկնող արտադրանքի արտադրությամբ առավել առաջավոր կուպիտալիստական երկրներին հասնելու և անցնելու խնդիրը հաջողությամբ կլուծվի միայն այն ժամանակ, երբ մենք հասնենք աշխատանքի ավելի բարձր արտադրողականության։ Հարկավոր է սիստեմատիկաբար պարզաբանել աշխատավորներին, որ յոթնամյա պլանի կատարումն ու գերակատարումը նոր խոշոր քայլ կհանդիսանա կոմունիզմի ճանապարհին, որ տնտեսության բո-



5500-59

լոր ճյուղերի նոր վերելքը և այդ հիման վրա ժողովրդի կենսամակարդակի նշանակալի բարձրացումը կախված են բանվոր դասակարգի, կոլտնտեսային գյուղացիության և ինտելիգենցիայի ջանքերից, սովետական յուրաքանչյուր մարդու բարձր արտադրողական աշխատանքից:

Կյանքի, գործնական խնդիրների հեռ մասսայական-քաղաքական աշխատանքի ավելի սերտ կապը նրա հաջողության գրավականն է: Արդյունաբերական ձեռնարկությունների պարտիական կազմակերպությունները քաղաքական ագիտացիան պետք է կառուցեն այնպես, որ ապահովվի յուրաքանչյուր ձեռնարկության, տեղամասի, ցեխի, բրիգադայի, յուրաքանչյուր բանվորի արտադրական պլանի անպայման կատարումը, ութմիկ աշխատանքը, աշխատանքի արտադրողականության ամեն կերպ բարձրացումը, որակի բարելավումը, թողարկվող արտադրանքի ինքնարժեքի իջեցումը, միջոցների ու նյութերի խստագույն խնայողությունը, արտադրության մեքենայացման և ավտոմատացման լայն ներդրումը, նոր տեխնիկայի յուրացումն ու լավագույն օգտագործումը, առաջավոր փորձի պրոպագանդումն ու ներդրումը:

— 18 —

Գյուղական պարտիական կազմակերպություններին առաջարկված է գլխավոր ուշադրությունը կենտրոնացնել ՍՄԿՊ XXI համագումարի ցուցումների և ՍՄԿՊ Կենտկոմի Դեկտեմբերյան պլենումի «Վերջին հինգ տարում գյուղատնտեսության զարգացման արդյունքները և գյուղատնտեսական մթերքների արտադրության հետագա ավելացման խնդիրները» տրոշման բազմակողմանի պարզաբանման և կենսագործման վրա: Ուժեղացնել պայքարը գյուղատնտեսական բոլոր կուլտուրաների բերքատվության հետագա բարձրացման, հանրային անասնաբուծության անասունների գլխաքանակի աճի և բարձր մթերատվության, կոլտնտեսություններում ու սովխոզներում՝ առաջին հերթին եգիպտացորենի ցանքերի հետագա ավելացման հաշվին ամուր կերի բազայի ստեղծման, գյուղատնտեսական տեխնիկայի խրանամքով և առավել լրիվ օգտագործման, կոլտնտեսությունների կազմակերպական-տնտեսական ամրապնդման, կոլտնտեսային միջոցների ու աշխօրերի ծախսման գործում ավելորդությունների լիկվիդացման համար: Անհրաժեշտ է բացատրել կոլտնտեսականներին, ինչպես նաև սովխոզների ու ՆՏԿ-ների բանվորներին, որ ներկայումս գյուղա-

— 19 —

տնտեսութեան մեջ, ինչպես նաև ժողովրդական տնտեսութեան բոլոր բնագավառներում առաջին պլանն են քաշում աշխատանքի արտադրողականութեան կազմակերպման ու բարձրացման, արտադրանքի մեկ միավորի վրա կատարվող ծախսերի կրճատման հարցերը:

Պարզաբանելով XXI համագումարի որոշումները, ժողովրդական տնտեսութեան զարգացման յոթնամյա պլանի խնդիրները, պարտիական կազմակերպությունները պետք է հասնեն այն բանին, որ աշխատավորները գիտենան ոչ միայն ընդհանուր թվերը, այլև այն, թե ինչ ժամկետներում, ինչ պետք է անել տվյալ ձեռնարկությունում, տվյալ կոտնտեսությունում ու սովխոզում, ներքին ինչ հնարավորություններ ու ռեզերվներ կան և ինչպես ավելի լավ օգտագործել դրանք, աշխատանքում ավելի բարձր հաջողութեան հասնելու համար ինչպիսի նյութական խթան գոյություն ունի: Պարտիական կազմակերպությունների, ագիտատորների կարևորագույն խնդիրն է յուրաքանչյուր ձեռնարկությունում, կոլտնտեսությունում, սովխոզում, հիմնարկում ստեղծել ստեղծագործական աշխատանքի և արտադրական վերելքի մթնոլորտ, ամեն կերպ զարգացնել աշ-

— 20 —

խատավոր լայն մասսաների ակտիվությունն ու ինքնագործունեությունը, ավելի լայնորեն ծավալել քննադատությունն ու ինքնաքննադատությունը, որպես ճիշտ միջոց աշխատանքում եղած թերությունների հայտնաբերման և վերացման գործում:

Անհրաժեշտ է ամեն կերպ տարածել կոմունիստական աշխատանքի բրիգադաների աշխատանքի փորձը, որոնց անդամները իրենց առջև խնդիր են դնում հասնելու աշխատանքի բարձր արտադրողականության և դրա հետ միասին պարտավորվում են բարձրացնել ընդհանուր կրթական և տեխնիկական մակարդակը, տիրապետել սոցիալիստական կուլտուրայի բարձունքներին, անհաշտ պայքար մղել անցյալի մնացուկների դեմ: Նմանապես և հարկավոր է խրախուսել սոցիալիստական մրցութեան մյուս ձևերը, որ ծնվում են արդյունաբերության մեջ, տրանսպորտում, գյուղատնտեսության մեջ և մեր տնտեսության մյուս ճյուղերում:

Պարտիական կազմակերպությունները պարտավոր են այսուհետև էլ պաշտպանել ու զարգացնել առաջավոր կոլտնտեսությունների, սովխոզների, շրջանների շնորհակալ նախաձեռնությունը, որոնք պարտավորություն են վերցրել ժամկետից շուտ կատարել

— 21 —

յոթնամյակի առաջադրանքները մսի, կաթի, և գյուղատնտեսական մյուս մթերքների արտադրության ավելացման ուղղությամբ, հիանալի շարժման հիմք են դրել այն բանի համար, որպեսզի հասնենք Ամերիկայի Միացյալ Նահանգներին բնակչության մեկ շնչին ընկնող անասնաբուծական մթերքների արտադրությամբ:

Արդյունաբերության, գյուղատնտեսության մեջ և տրանսպորտում առաջավոր փորձի տարածման նպատակով լայնորեն ներգրավել հենց արտադրության նորարարներին: Հաճախակի կիրառել նորարարների փորձի մասին զրույցների, հանրամատչելի դասախոսությունների անցկացումը, ցուցադրել տեխնիկական և ագրոտեխնիկական ֆիլմեր, էքսկուրսիաներ կազմակերպել դեպի լավագույն ձեռնարկությունները, ցեխերը, բրիգադաները, ֆերմաները:

ՍՄԿՊ Կենտկոմը պարտիական կազմակերպություններին պարտավորեցրել է ուժեղացնել աշխատավորության դաստիարակման աշխատանքը կոլեկտիվիզմի և աշխատասիրության, հասարակական պարտքի գիտակցման, սոցիալիստական ինտերնացիոնալիզմի և հայրենասիրության, կոմունիս-

— 22 —

տական բարոյականության բարձր սկզբունքների պահպանման ոգով:

Հատուկ ուշադրություն դարձնել մարդկանց գիտակցության մեջ կապիտալիզմի մնացուկների և ամենից առաջ այնպիսի խայտառակ երևույթների դեմ պայքարն ու ժեղացնելու վրա, ինչպես արհամարհանքն է հասարակական աշխատանքի և կարգապահության նկատմամբ, սոցիալիստական սեփականության հափշտակությունը, հարբեցողությունը, խուլիգանությունը, կաշառակերությունը, սպեկուլյացիան: Անհաշտ պայքար մղել բուրժուական գաղափարախոսության զանազան դրսևորումների դեմ, վճռականապես մերկացնել ամեն տեսակ քչփչացողներին, զրպարտիչներին, սուտ լուրեր և հակասովետական հերյուրանքներ տարածողներին:

Անհրաժեշտ միջոցներ ձեռք առնել բարելավելու գիտա-աթեիստական պրոպագանդան:

ՍՄԿՊ Կենտկոմը պարտիական կազմակերպություններին պարտավորեցրել է հատուկ ուշադրություն դարձնել մասսայական-քաղաքական աշխատանքի ուժեղացման վրա ետ մնացող ձեռնարկություններում, կոլտնտեսություններում ու սովխոզ-

— 23 —

ներում, ետ մնացող տեղամասերն ամ-
րասյնդել որակյալ կադրերով, լավ կազմա-
կերպիչներով: Բարձրացնել սկզբնական
պարտկազմակերպությունների պատասխա-
նատվությունը արտագրության մեջ գործե-
րի դրության համար, ժողովրդա-տնտեսա-
կան պլանների կատարման համար:

ՍՄԿՊ Կենտկոմը պարտիական կազմա-
կերպությունների ուշադրությունը հրավիրել
է այն բանի վրա, որ քաղաքական ագիտա-
ցիայի գործում անհրաժեշտ է ղեկավար
աշխատողների անմիջական մասնակցու-
թյունը, որպես աշխատավորների դաստիա-
րակության գործում պարտիայի ամբողջ
գործունեության հաջողության կարևորա-
գույն պայման: Մասսաների հետ գործնա-
կան, ամենօրյա կապը պետք է լուրջ շա-
փանիշ լինի յուրաքանչյուր ղեկավարի աշ-
խատանքի գնահատման համար:

Ղեկավար աշխատողներին քաղաքական
ագիտացիային մասնակից դարձնելու նպո-
տակով ՍՄԿՊ Կենտկոմը անհրաժեշտ է
գտնում՝

ապահովել, որ պարտիական, սովետա-
կան, արհմիութենական, կոմերիտական
և տնտեսական կազմակերպություննե-
րի ղեկավարները քաղաքական զեկուցում-

— 24 —

ներով սիստեմատիկաբար հանդես գան աշ-
խատավորների առջև: Պարտիայի մարզկոմ-
ների, քաղկոմների, շրջկոմների և սկզբնա-
կան պարտկազմակերպությունների քար-
տուղարները պարտավոր են անձնական
օրինակ ցույց տալ այդ գործում:

որ առևտրի, ժողովրդական կրթության,
առողջապահության և կոմունալ սպասարկ-
ման տարբեր կազմակերպությունների ու
գերատեսչությունների ղեկավարները քա-
ղաքական զեկուցումների հետ մեկտեղ
բնակչության առջև ավելի հաճախ հանդես
գան նաև իրենց գլխավորած հիմնարկու-
թյունների ու ձեռնարկությունների աշխա-
տանքի հարցերի շուրջը:

պարտիական կոմիտեները հաճախակի
պետք է քննարկեն մասսայական-քաղաքա-
կան աշխատանքին պարտիական ակտիվի
մասնակցության հարցերը, ամփոփեն
բնակչության առջև ղեկավարների ունեցած
ելույթների արդյունքները, հաշվի առնեն և
ուսումնասիրեն աշխատավորների առաջար-
կություններն ու դիտողությունները, դրանց
առթիվ ձեռք առնեն գործնական միջոցնե-
ր: Զեկուցողներին կանոնավոր կերպով ին-
ֆորմացիա տալ կոմունիստական շինա-
րարության, թեորիայի ու պրակտիկայի,

ՍՍԻՄ միջազգային դրության կարևորագույն հարցերի վերաբերյալ.

հանձնարարել պարտկազմակերպություններին՝ օգտագործել արդյունաբերական ձեռնարկությունների և կառույցների աշխատավորների առջև Ստալինյան ժողտնտխորհի ղեկավար աշխատողների և մասնագետների պարբերական ելույթների փորձը՝ ժողտնտխորհի աշխատանքի վերաբերյալ հաշվետվությունների հետ միասին: Հետագայում ավելի լայնորեն կիրառել աշխատավորների առջև ղեկավար աշխատողների ու մասնագետների ելույթները արտադրական, ընդհանուր-քաղաքական և գիտատեխնիկական հարցերի շուրջը:

ՍՄԿՊ կենտկոմը պարտիական կազմակերպությունների կարևորագույն խնդիրն է համարում ագիտատորների ընտրության, դասավորման ու դաստիարակության գործի բարելավումը: Այդ նպատակով ապահովել ագիտատորների խնամքով ընտրությունը առավել պատրաստված կոմունիստների, կոմերիտականների, արտադրության առաջավորների, ինտելիգենցիայի, ղեկավար աշխատողների թվից: Ագիտատորների լավագույն ուժերը կենտրոնացնել արտադրության վճռական տեղամասերում: Վերա-

— 26 —

կանգնել պարտիական բյուրոներում և պարտիական ժողովներում ագիտատորներին հաստատելու և նրանց հաշվետվությունները քննարկելու պրակտիկան. թույլ չտալ ագիտատորների ծանրաբեռնումը այլ հանձնարարություններով.

ագիտատորներին կանոնավոր կերպով ինֆորմացիա տալ ներքին և արտաքին քաղաքականության կարևորագույն հարցերի վերաբերյալ, տնտեսական ու կուլտուրական շինարարության պլանների կատարման ընթացքի մասին, նրանց սովորեցնել կենսական պրոցեսները խորապես վերլուծելու, պարտիայի քաղաքականությունը այս կամ այն ձեռնարկության, կոլտնտեսության, հիմնարկության կոլեկտիվի առջև ծառացած կոնկրետ խնդիրների հետ շաղկապելու հմտություն: Անհրաժեշտ համարել, որպեսզի ագիտատորների առջև սիստեմատիկաբար հանդես գան պարտիայի մարզկոմների, քաղկոմների և շրջկոմների առաջին քարտուղարները, աշխատավորների դեպուտատների մարզային, քաղաքային և շրջանային Սովետների գործկոմների նախագահները, տնտեսական կազմակերպությունների ղեկավարները:

կանոնավոր կերպով անցկացնել ագիտա-

— 27 —

տորներին սեմինարներ ազդեցիկորեն-մաս-
սայական աշխատանքի բովանդակության ու
մեթոդիկայի զանազան հարցերի շուրջը:
Պրակտիկա դարձնել ազդեցիկորեն սեմի-
նարների կազմակերպումը անմիջականորեն
այն առաջավոր ձեռնարկություններում,
կոլտնտեսություններում ու սովխոզներում,
որտեղ կա մասսայական-քաղաքական աշ-
խատանքի դրական փորձ.

պարբերաբար անցկացնել ազդեցիկորեն-
բաղադրյալ, շրջանային, ինչպես նաև
ըստ արդյունաբերության ու գյուղատնտե-
սության ճյուղերի ժողովներ, որտեղ ավելի
լայնորեն կիրառել ազդեցիկորեն աշխատան-
քի դրական փորձի փոխանակումը.

նշելով, որ ազդեցիկորեն դպրոցներ
ստեղծելու ուղղությամբ լենինգրադի, Ստա-
լինյան, Ադրբեջանի, Սվերդլովսկի և մի
շարք այլ պարտկազմակերպությունների
փորձն արդարացրել է իրեն, հանձնարարել
պարտիական կազմակերպություններին՝
լայնորեն օգտագործել ազդեցիկորեն ու-
սուցման այդ ձևը: Դպրոցների ուսումնա-
կան ծրագրերը հաստատել պարտիական
կոմիտեների բյուրոներում, հաշվի առնելով
յուրաքանչյուր քաղաքի, շրջանի, ձեռնար-

— 28 —

կության, կոլտնտեսության առանձնահատ-
կությունները.

սահմանել, որ ազդեցիկորեն ղե-
կավարներ կարող են լինել ոչ միայն պարտ-
կազմակերպությունների քարտուղարները,
այլև պարտիական ակտիվին պատկանող
առավել պատրաստված ուրիշ կոմունիստ-
ներ: Պարտիայի քաղկոմներն ու շրջկոմները
պետք է կանոնավոր կերպով հրավիրեն ա-
զդեցիկորեն ղեկավարների խորհրդ-
դակցություններ ու սեմինարներ, որտեղ
կատարեն փորձի փոխանակում, քննարկեն
ազդեցիկորեն աշխատանքի մեթոդիկայի
հարցերը, աշխատավորության մեջ անցկաց-
վող հերթական զեկուցումների ու զրույցնե-
րի թեմաները.

պարտավորեցնել քաղաքական լուսավո-
րության տներին ու կաբինետներին օգնու-
թյուն ցույց տալ ազդեցիկորեն անհրա-
ժեշտ գրականություն ու նյութեր ընտրելու
գործում, կազմակերպել նրանց համար խմ-
բական ու անհատական կոնսուլտացիաներ,
ընդհանրացնել ու տարածել մասսայական-
քաղաքական աշխատանքի դրական փորձը:
Մասսայական-քաղաքական աշխատանքի
անցկացման գործում պարտկազմակեր-
պություններին ու ազդեցիկորեն օգնու-

թյուն ցույց տալու համար հանձնարարել ՍՄԿՊ Կենտկոմի Պրոպագանդայի և ագիտացիայի բաժնին, Պետքաղհրատարակչությանը պարբերաբար հրատարակել հանրամատչելի «Ագիտատորի գրադարան» ինչպես ագիտացիոն աշխատանքի պրակտիկայի հարցերի, այնպես էլ ընդհանուր քաղաքական կարևորագույն հարցերի շուրջը: Որպես բրոշյուրների հեղինակներ լայնորեն ներգրավել պարտիական աշխատողների, գրողների, ագիտատորների, արդյունաբերության ու գյուղատնտեսության մասնագետների:

«Ագիտատոր» ժուռնալի խմբագրությանը առաջարկված է գլխավոր ուշադրությունը կենտրոնացնել այն բանի վրա, որ օգնություն ցույց տրվի ագիտատորներին ՍՄԿՊ XXI համագումարի պատմական որոշումներն ու նյութերը, յոթնամյա պլանի խնդիրները, Սովետական Միության ներքին ու միջազգային դրությունը պարզաբանելու և պրոպագանդելու գործում: Հաճախակի հրապարակել կոնկրետ փաստեր ու թվեր պարունակող հոդվածներ ու նյութեր, որոնք ցույց տան սոցիալիստական սիստեմի գերազանցությունը կապիտալիստականի նրկատմամբ, աշխատավոր մասսաների ստեղծագործական ակտիվության և ինքնագոր-

ծունեության աճումը: Լայնորեն լուսաբանել պարտիական կազմակերպությունների, ագիտկոլեկտիվների և ագիտատորների մասսայական-քաղաքական աշխատանքի դրական փորձը: Ավելի մեծ չափով ժուռնալին մասնակից դարձնել տեղական աշխատողներին:

«Պրավդա» թերթի, «Պարտիյնայա ժիզն» և «Ագիտատոր» ժուռնալների խմբագրություններին հանձնարարված է լուսաբանել Ստալինյան մարզային պարտիական կազմակերպության մասսայական-քաղաքական աշխատանքի փորձը:

ՍՄԿՊ Կենտկոմը պարտիական կազմակերպություններին պարտավորեցրել է միջոցներ ձեռք առնել բարձրացնելու մարզային, քաղաքային, շրջանային, բազմատիրաժ թերթերի դերը աշխատավորների քաղաքական դաստիարակության, մասսայական-քաղաքական աշխատանքի վիճակն ու դրական փորձը լուսաբանելու գործում: Կանոնավոր կերպով նյութեր հրապարակել թերթերի էջերում ագիտատորներին օգնելու համար: Թերթերին լայնորեն մասնակից դարձնել արտախմբագրական ակտիվին, ավելի շատ տպագրել աշխատավորների նամակներ:

Պարտիական կազմակերպություններին առաջարկված է աշխատավորների մեջ մաս-սայական-քաղաքական աշխատանք կատա-րելիս ստեղծագործաբար օգտագործել քա-ղաքական ագիտացիայի՝ կյանքի կողմից ստուգված բոլոր բազմազան ձևերն ու մե-թոդները, այն է՝ զեկուցումներ, թերթերի ընթերցումներ, քաղինֆորմացիաներ, զը-րույցներ և այլն, ինչպես նաև ամեն կերպ պաշտպանել նոր, արժեքավոր նախաձեռ-նությունները: Հատուկ ուշադրություն դարձ-նել զրույցների անցկացմանը, որպես քա-ղաքական ագիտացիայի կարևոր և մատչե-լի ձևերից մեկը, որոնք հնարավորություն են տալիս ժամանակին արձագանքելու բնակչու-թյանը հուզող հարցերին: Ղեկավար աշխա-տողները, ագիտատորները պետք է հաճա-խակի անբռնազբոսիկ, հոգեբույն զրույցներ անցկացնեն աշխատավորների հետ արտա-դրության մեջ, նրանց բնակավայրում, ըստ որում շխուսափել սուր, հրատապ հարցե-րից, դրանց տալ ճշմարտացի ու պարզո-րոշ պատասխաններ, ուշադիր կերպով ար-ձագանքել բնակչության պահանջներին:

Հասնել այն բանին, որ ագիտատորը չսահմանափակվի համաժողովրդական խըն-

— 32 —

դիրների, պարտիայի ու կառավարության որոշումների ձևական պարզաբանումով, այլ հաստատակամորեն պայքարի դրանց կեն-սագործման համար, անձնական օրինակ ցույց տա աշխատանքում, համապետական շահերն ըմբռնելու գործում:

ՍՄԿՊ Կենտկոմը Ուկրաինայի ԿՊ Ստա-լինյան մարզկոմին պարտավորեցրել է մի-ջացնել ձեռնարկել, որպեսզի սիստեմատիկ աշխատանք տարվի բնակչության բոլոր խավերի մեջ: Այդ նպատակով՝

ապահովել աշխատավորների՝ արդյունա-բերական ձեռնարկությունների բանվորնե-րի, շինարարների, կոլտնտեսականների, ինտելիգենցիայի մեջ քաղաքական աշխա-տանքի անցկացման նկատմամբ դիֆերենց-ված մոտեցումը, ընդսմին հաշվի առնելով արտադրության բնույթը, տվյալ կոլեկտիվի տրամադրություններն ու պահանջները, մարդկանց պատրաստվածության մակար-դակը, ինչպես նաև ազգային կազմն ու բնակչության տարբեր խմբերի (կանայք, երիտասարդություն, ընտանիքի անդամ և այլն) մյուս առանձնահատկությունները:

բարելավել մասսայական-քաղաքական աշխատանքը գիշերային հերթափոխությու-նների բանվորների մեջ: Պարտիական, տըն-

— 33 —

տեսական, արհմիութենական և կոմերիտական ղեկավարները պետք է կանոնավոր կերպով հաճախեն գիշերային հերթափոխություններ և այնտեղ անհրաժեշտ աշխատանք տանեն: Բանվորների հանգստի ժամերին (ցերեկվա ժամերին) հաճախակի կարդալ դասախոսություններ, ղեկուցումներ, ցուցադրել կինոնկարներ, կազմակերպել գեղարվեստական ինքնագործունեություն և այլն:

Քաղաքներից դուրս ապրող արդյունաբերական ձեռնարկությունների բանվորների մեջ մասսայական-քաղաքական աշխատանք տանելու համար առանձնացնել հատուկ ագիտատորներ: Բանվորական գնացքներն ապահովել թերթերով, ժուռնալներով, փոքրիկ գրադարաններով, կուլտ-պիտույքներով, ինչպես նաև ռադիոֆիկացիայի ենթարկել դրանք: Այն բնակավայրերը, որտեղ ապրում են այդ բանվորները, ուղարկել ագիտ-կուլտ բրիգադաներ, շարժական կինոներ, շրջիկ գրավաճառներ:

Բարելավել մասսայական-քաղաքական աշխատանքի անցկացումը հեռավոր բրիգադաներում, անասնաբուժական ֆերմաներում, դաշտակալաններում գտնվող կուլտր-տեսականների մեջ, մեխանիզատորների

— 34 —

մեջ, առանձնապես գյուղատնտեսական կարևորագույն աշխատանքների կատարման ժամանակաշրջանում:

Բարձրացնել մասսայական-քաղաքական աշխատանքի մակարդակը աշխատավորների մեջ նրանց բնակավայրերում: Այդ աշխատանքի կենտրոնը պետք է լինի ձեռնարկություններում, կուլտնտեսություններում, խոշոր բնակելի շենքերում, հանրակացարաններում և բանավաններում՝ մշտապես գործող ագիտկետերը: Ակումբներում, կուլտուրայի տներում, կարմիր անկյուններում, ագիտկետերում կազմակերպել տեղեկատու սեղաններ, սահմանել ագիտատորների հերթապահություն, որոնք կարողանային իրենք կամ համապատասխան աշխատողների օգնությամբ պատասխանել աշխատավորների մոտ ծագող հարցերին:

Հասնել աշխատանքի բարելավմանը հանրակացարաններում: Այնտեղ ունենալ սարքավորված կարմիր անկյուններ, ռադիո, թերթեր ու ժուռնալներ, սեղանի խաղեր: Հանրակացարաններում աշխատելու համար առանձնացնել առավել պատրաստված կոմունիստներին և կոմերիտականներին, ինչպես նաև աշխատանքի վերաբերյալ: Ապահովել դաստիարակների խնամքով բնու-

— 35 —

րությունը հանրակացարանների համար: Հանձնարարել սկզբնական պարտկազմակերպություններին դաստիարակներին հաստատել պարտքյուրոնների նիստերում: ՍՄԿՊ Կենտկոմը պարտիական կազմակերպությունների ուշադրությունը բեռեց սիստեմատիկաբար բանվորական ու կոլտնտեսային ժողովներ հրավիրելու անհրաժեշտության վրա: Ժողովներում հաճախակի քննարկել ձեռնարկությունների, կոլտնտեսությունների, հիմնարկների կոլեկտիվների արտադրական գործունեության հարցերը, բնակարանային շինարարության ու կուլտ-կենցաղային սպասարկման հարցերը, ինչպես նաև ընդհանուր քաղաքական հարցերը: Բարձրացնել ժողովների գործունեությունը, սիստեմատիկ վերահսկողություն ապահովել քննարկված հարցերի, աշխատավորների քննադատական դիտողությունների և ցանկությունների առթիվ ընդունված տրոշումների կատարման համար: Պրակտիկա դարձնել արհմիութենական և տնտեսական կազմակերպությունների ղեկավարների, կոլտնտեսությունների վարչությունների հաշվետվությունների լսումը՝ նախորդ ժողովների որոշումների կատարման մասին:

ՍՄԿՊ Կենտկոմը պարտիական կազմա-

— 36 —

կերպությունների կարևորագույն խնդիրն է համարում դաստիարակչական աշխատանքի վճռական ուժեղացումը երիտասարդության մեջ: Գլխավոր ուշադրությունը դարձնել երիտասարդությանը բանվոր դասակարգի հերոսական տրադիցիաներով, աշխատանքի, իր մասնագիտության նկատմամբ սիրո ոգով, սովետական հայրենասիրության և ժողովուրդների բարեկամության ոգով դաստիարակելու վրա: Պատանիների ու աղջիկների մեջ պատվաստել բարձր բարոյական հատկություններ: Հասնել այն բանին, որ բոլոր երիտասարդ բանվորներն ու բանվորուհիները, կոլտնտեսականներն ու կոլտրնտեսուհիները մասնակից դարձվեն հասարակական-մասսայական միջոցառումներին: Ապահովել դաստիարակչական աշխատանքի բարելավումը դպրոցական ու ուսանողական երիտասարդության մեջ, այդ աշխատանքը ենթարկելով դպրոցը կյանքի հետ կապելու և մեր երկրում ժողովրդական կրթության սիստեմի հետագա զարգացման ուղղությամբ պարտիայի ու կառավարության նշած միջոցառումների հաջող իրականացմանը:

ՍՄԿՊ Կենտկոմը պարտիական կազմակերպություններին պարտավորեցրել է մեծ

— 37 —

հոգատարութիւնն ցուցաբերել հանգստի և տոն օրերին աշխատավորների մեջ քաղաքական ու կուլտուր-լուսավորական աշխատանք տանելու մասին: Պրակտիկա դարձնել այդ օրերին ղեկավար աշխատողների ելույթները աշխատավորների առջև, հանդիպումները գիտութեան, գրականութեան և արվեստի գործիչների, արտադրութեան նորարարների հետ, զբոսանքների կազմակերպումը հրապարակներում, պարկերում, պուրակներում, սպորտային մրցումները, ղեկավար աշխատողների մասնակցութեամբ բանվորների ու ծառայողների կուլեկտիվ մեկնումները քաղաքից դուրս և այլն:

Բարձրացնել ակումբների, կուլտուրայի տների և մյուս կուլտուր-լուսավորական հիմնարկների դերը աշխատավորների մեջ, հատկապես գյուղական վայրերում տարվող մասսայական-քաղաքական աշխատանքում: Ակումբները, կուլտուրայի տները, գրադարանները պետք է պրոպագանդեն պարտիայի քաղաքականութիւնն ու որոշումները, պարզաբանեն գիտութեան ու տեխնիկայի նվաճումները, տարածեն արտադրութեան առաջավորների փորձը, նախաձեռնութիւն հանդես բերեն գյուղերի ու բանվորական ավանների բարեկարգման, կանաչա-

— 38 —

պատման աշխատանքների ուղղութեամբ և այլն: Անհրաժեշտ է, որ կուլտուրայի ամեն մի պալատ և տուն իրականում մեթոդական կենտրոն դառնա բանվորական ու գյուղական ակումբների համար:

Պարտիական, արհմիութենական և կոմբիտական կազմակերպութիւններին, Կուլտուրայի միութնութեանը և նրա տեղական օրգաններին առաջարկված է ապահովել գեղարվեստական ինքնագործունեութեան հետագա ըստ ամենայնի զարգացումը, բանվորների, կուլտնտեսականների, ինտելիգենցիայի լայն մասնակցութիւնը դրան: Հասնել այն բանին, որ յուրաքանչյուր ակումբում, կուլտուրայի պալատում ստեղծվեն դրամատիկական, երգեցիկ, երաժշտական կուլեկտիվներ: Վերակառնեն ինքնուրույն ժողովրդական թատրոնների ստեղծման լավ պրակտիկան: Ուժեղացնել պրոֆեսիոնալ թատրոնների, ֆիլհարմոնիաների և արվեստի մյուս հիմնարկների շեֆական օգնութիւնը գեղարվեստական ինքնագործունեութեան կուլեկտիվներին:

ՍՄԿՊ Կենտկոմը պարտկազմակերպութիւններին առաջարկել է բազմազան դարձնել և կոնկրետացնել ցուցադրական ագիտացիան, ցուցադրական ագիտացիայի մի-

— 39 —

չոցով լայնորեն արոպագանդել ՍՍՌՄ ժողովրդական տնտեսության զարգացման յոթնամյա պլանը, սոցիալիստական մրցության առաջավորների նվաճումները, արտադրության նորարարների աշխատանքի փորձն ու մեթոդները: Այդ նպատակով ավի-լի լայնորեն օգտագործել պլակատները, կո-չերը, հատուկ վահաններն ու ստենդները, ցուցատախտակները, աշխատանքային փառքի թերթիկները, կայծակ թերթիկները, երգիծական թերթերը, գունավոր և կինոթեր-թերը և այլ ձևեր:

Սովետական նկարիչների միությանը և Իզոգիզ-ին հանձնարարված է պատրաստել ու հրատարակել ՍՍՌՄ ժողովրդական տըն-տեսության յոթնամյա պլանի խնդիրները և հետագա զարգացման հեռանկարները պար-զաբանող գունեղ քաղաքական պլակատներ ու դիագրամաներ: Ապահովել, որ մեծ տի-րաժով սիստեմատիկաբար հրապարակվեն ՌՈՍՏԱ-ի պատուհանների տիպի պլակատ-ներ հրատապ թեմաների վերաբերյալ, տե-քրստերով և առանց տեքստերի (տեքստերը տեղում տպագրելու համար), ինչպես նաև գունեղ մակետներ պատի թերթերի համար, երգիծական թերթիկներ, աշխատանքային փառքի թերթիկներ, կայծակ թերթիկներ և այլն:

ՆՅՈՒԹԵՐ ԶՐՈՒՅՑՆԵՐԻ ՀԱՄԱՐ

ՓԱՅԼՈՒՆ ՀԱՂԹԱՆԱԿ

Ա. ՍԱՐԳՍՅԱՆ

Կոմունիստների և անպարտիականների անխախտ բլոկը փայլուն հաղթանակ տա-րավ Հայկական ՍՍՌ Գերագույն և տեղա-կան Սովետների ընտրություններում: Ընտ-րություններին մասնակցել են 1.045.300 մարդ, որը կազմում է ընտրողների ընդհա-նուր թվի 99,99 տոկոսը: Բոլոր ընտրական օկրուգներում կոմունիստների և անպար-տիականների բլոկի թեկնածուների օգտին քվեարկել են 1.043.178 ընտրող, որը կազ-մում է քվեարկությանը մասնակցած ընտ-րողների ընդհանուր թվի 99,80 տոկոսը:

Կոմունիստների և անպարտիականների ժողովրդական բլոկի թեկնածուների օգտին միահամուռ քվեարկությամբ, ռեսպուբլի-կայի աշխատավորները նոր ուժով ցուցա-դրեցին Կոմունիստական պարտիայի, Սո-վետական կառավարության և մեր ամբողջ ժողովրդի մեծ միասնությունը:

Ռեսպուբլիկայի Գերագույն և տեղական

Սովետների դեպուտատության թեկնածուների օգտին տրված ավելի քան մեկ միլիոն ձայները հանդիսանում են ամենացայտուն արտահայտությունն այն բանի, որ մեր փառապանծ Կոմունիստական պարտիայի կողմից մշակված և հետևողականորեն կենսագործվող ներքին ու արտաքին քաղաքականությունը համաժողովրդական հավանություն է ստանում:

Հանճարեղ Լենինի կողմից ստեղծված մեծ Կոմունիստական պարտիան աշխատավորների շահերի համար, իր ավելի քան կես դարյա հերոսական պայքարով նվաճել է ամբողջ սովետական ժողովրդի սերը և անսահման վստահությունը: Կազմակերպելով Հոկտեմբերյան Սոցիալիստական Մեծ ռևոլյուցիայի հաղթանակը, Կոմունիստական պարտիան մեր ժողովրդին դուրս բերեց սոցիալիստական վերափոխումների լայն ճանապարհը: Դեռևս Սովետական իշխանության առաջին ամիսներին Վ. Ի. Լենինը ժողովրդի ստեղծագործական ուժերի, բանվորների և գյուղացիների կազմակերպական ունակությունների նկատմամբ մեծ հավատով լի գրում էր՝ «Ինչ էլ որ լինի, պետք է ջախջախել հին, անմիտ, վայրենի, նողկալի և զազրելի այն նախապաշարմունքը»:

— 42 —

Թե իբր պետություն կառավարել, սոցիալիստական հասարակության կազմակերպական շինարարությունը վարել կարող են միայն այսպես կոչված «բարձր դասակարգերը», միայն հարուստները կամ հարուստ դասակարգերի դպրոցն անցածները... Կազմակերպական աշխատանքը մատչելի է նաև այն շաւրֆային բանվորին ու գյուղացուն, որը գրագետ է, ճանաչում է մարդկանց, ունի գործնական փորձառություն: Այդպիսի մարդիկ «հասարակ ժողովրդի» մեջ, որի մասին բուրժուական ինտելիգենտները խոսում են ամբարտավանությամբ և արհամարհանքով, բազմաթիվ են: Այդպիսի տաղանդները բանվոր դասակարգի և գյուղացիության մեջ դեռ կուսական աղբյուր և հարստագույն աղբյուր են»:

Հետևելով Լենինյան իմաստուն ցուցումներին Կոմունիստական պարտիան բանվորների և գյուղացիների միջից հոգատարությամբ ընտրում, առաջ է քաշում և դաստիարակում հազարավոր տաղանդավոր կազմակերպիչների:

Ընկ. Ն. Ս. Խրուշչովը 1958 թվականի մարտի 14-ին Մոսկվա քաղաքի Կալինինյան ընտրական օկրուգում, ընտրողների ժողովում արտասանած իր ճառում ասաց՝

«Մեր երկրի աշխատավորները խորապես շահագրգռված են, որպեսզի դեպուտատ ընտրեն ժողովրդի ամենալավ և ամենաարժանավոր ներկայացուցիչներին, հենց դրա համար էլ մեր ժողովուրդը Գերագույն Սովետի ընտրությունները համարում է իր կենսական գործը»:

Մեր ռեսպուբլիկայի աշխատավորները իրենց լավագույն որդիներին և դուստրերին ընտրել են ռեսպուբլիկայի բարձրագույն օրգանում՝ Գերագույն Սովետում, ինչպես նաև քաղաքային, շրջանային, ավանային և գյուղական Սովետներում:

Հայկական ՍՍՌ Գերագույն Սովետի և տեղական Սովետների 1959 թվականի մարտի 15-ին ընտրված դեպուտատների կազմը պերճախոս կերպով վկայում է, որ ռեսպուբլիկայի Գերագույն և տեղական Սովետների ղեկի մոտ իրոք կանգնած են ժողովրդի ծոցից ելած մարդիկ, առաջավոր բանվորներ և գյուղացիներ, մեր ռեսպուբլիկայի ինտելիգենցիայի լավագույն ներկայացուցիչներ, բրոնք գործով ապացուցել են ժողովրդին հավատարմորեն ծառայելու իրենց պատրաստակամությունը: Եթե նախորդ ընտրությունների ժամանակ մեր ռեսպուբլիկայի գյուղական Սովետներում

— 44 —

ընտրվել էր 9.335 դեպուտատ, ապա այս տարի ընտրվել է 12.881 դեպուտատ, որից 6.570-ը կամ ընտրված դեպուտատների 51 տոկոսը անպարտիականներ են, նախորդ ընտրությունների 4.081 հոգու կամ 43,6 տոկոսի փոխարեն: Ընտրված դեպուտատներից 9.527-ը կոլտնտեսականներ են: Այս տարի գյուղական Սովետներում ընտրվել են 5.526 կանայք, նախորդ ընտրությունների ժամանակ ընտրված 2.918-ի փոխարեն: Աշխատավորների դեպուտատների շրջանային Սովետներում այս տարի ընտրվել է 2.663 դեպուտատ, նախորդ ընտրությունների ժամանակ ընտրված 2.162-ի փոխարեն: Շրջանային Սովետներում ընտրված դեպուտատներից 1.087-ը անպարտիականներ են, 1.062-ը՝ կանայք, 881-ը՝ կոլտնտեսական, 563-ը՝ բանվոր:

Քաղաքային Սովետներում ընտրված 1.425 դեպուտատներից 535-ը անպարտիականներ են, 580-ը՝ բանվորներ, 502-ը՝ կանայք: Այսպիսով, եթե նախորդ ընտրությունների ժամանակ մեր ռեսպուբլիկայի քաղաքային, շրջանային, ավանային և գյուղական Սովետներում ընտրվել էր 13.367 դեպուտատ, ապա այս տարի ընտրվել է 17.878 դեպուտատ: Տեղական Սովետներում

— 45 —

ընտրված 17.878 դեպուտատներից 8.592-ը անպարտիականներ են, նախորդ ընտրությունների ժամանակվա 5.410-ի փոխարեն, ՍՄԿՊ անդամ և թեկնածուներ են 9.286 հոգի, կանանց թիվը կազմում է 7.387 հոգի, կամ 41,32 տոկոսը: նախորդ ընտրություններում ընտրված 4.213-ի փոխարեն: Դեպուտատներից կոլտնտեսականներ են 10.564 հոգի, նախկին ընտրություններում եղած 7.204-ի փոխարեն, բանվորներ՝ 2.547 հոգի, անցյալ ընտրություններում եղած 1.061-ի փոխարեն:


Հայկական ՍՍՌ Գերագույն Սովետի 300 դեպուտատներից 134-ը բանվորներ և կոլտնտեսականներ են, 97-ը՝ կանայք, 96-ը՝ անպարտիականներ: Բոլոր ընտրված դեպուտատներն էլ աշխատանքի մարդիկ են, կոմունիստական շինարարության ակտիվ մասնակիցներ: Դա ցույց է տալիս Սովետների իսկական ժողովրդական բնույթը: Դրանում է Սովետական կարգերի արմատական տարբերությունը կապիտալիստականից, որի պայմաններում ամբողջ իշխանությունը պատկանում է շահագործող դասակարգերին, իսկ աշխատավորները փաստորեն զրկված են պետության կառավարմանը մասնակցելու հնարավորությունից:

— 46 —

Իմպերիալիզմի գաղափարախոսները ամեն կերպ գովաբանում են բուրժուական դեմոկրատիան, բուրժուական պառլամենտարիզմը: Չէ՞ որ փաստ է, որ ԱՄՆ-ի կոնգրեսմենների թվում չկա և ոչ մի բանվոր, ոչ մի ֆերմեր: Չէ՞ որ փաստ է, որ Մեծ Բրիտանիայի լորդերի պալատում բոլոր տեղերը զբաղեցնում են հերցոգները, մարկիզները, կոմսերը, բարոնները և այլ ազնվականներ:

Մեր Հայրենիքում փառքով և պատվով են պսակվում նրանք, ովքեր իրենց հոգու ամբողջ կորովը դնում են աշխատանքի մեջ: Ուստի պատահական չէ, որ ժողովուրդը ղեկավարելիկայի Գերագույն Սովետի և տեղական Սովետների դեպուտատներ է ընտրել արդյունաբերության և գյուղատնտեսության առաջավորներին, գիտության և արվեստի ներկայացուցիչներին, պարտիական, պետական և հասարակական գործիչներին:

Աշխատավորներն իրենց լավագույն որդիներին և դուստրերին ղեկավարելիկայի Գերագույն Սովետի և տեղական Սովետների դեպուտատ ընտրելով, նրանցից պահանջում են, որ նրանք միշտ գտնվեն Կոմունիստական պարտիայի և Սովետական կառավարության կողմից առաջադրվող խնդիրների կատարման բարձրության վրա:



Ռեսպուբլիկայի Գերագույն Սովետի և տեղական Սովետների նորընտիր դեպուտատները իրենց պարտականությունների կատարումն սկսում են այն պահին, երբ Կոմունիստական պարտիան բոլոր ուժերը մոբիլիզացնում է պայքարելու ՍՄԿՊ XXI համագումարի որոշումների հոյակապ խնդիրները կենսագործելու համար:

Մեր ռեսպուբլիկայի աշխատավորները ջերմորեն ողջունում են իրենց ընտրյալներին և նրանց հաջողութուն ցանկանում ի փառս մեր Հայրենիքի հետագա բարգավաճման:

СОДЕРЖАНИЕ

Стр.

В ЦК КПСС

О состоянии и мерах улучшения массово-политической работы среди трудящихся Сталинской области 1

Материалы для бесед

А. Саркисян — Блестящая победа 41

Отдел пропаганды и агитации
ЦК КП Армении
БЛОКНОТ АГИТАТОРА

№ 7

1959 г.

ՎՅ 02138

Պատվիր 238

Տիրաժ 9120

ՀԱՅԿ Կուլտուրայի միջնադպրոցի Հրատարակչու-
թյունների և պոլիգրաֆ արդյունաբերության գլխավոր
վարչության II տպարան, Երևան, Կոմիտասի թ. 3.
Տիեզ 50 կապ.